

WAMEBUTWA BUHYA



Chris Oyakhilome, D.Sc., D.D

WAMEBUTWA BUHYA

Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated.

2nd Edition, 2013

Fifth Printing, 2019

ISBN 978-978-51521-0-4

Copyright © 2006 LoveWorld Publishing

email: info@loveworldbooks.org

website: www.loveworldbooks.org

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

BYOBIRIMO

1. IWE WA KULI	7
2. ULI KIBUMBA KIHYA	13
3. USHUSHANIBWE NE ONGO !	15
4. ULI BUTUNGANANE BWA ONGO !	19
5. UTUNGANYANYIBWE !	21
6. WAMEKOMIBWA	23
7. WAMELIKULWA	25
8. AMUTIMA WA ONGO ALI MWIWE!	27
9. UNAKOLAKI MWA MANGO AMINUBO YAKUHIKIRA ?	29
10. UNAKOLAKI MWA MANGO BERA Bawe	
ABAEREKA IKUFULUKYA INYUMA?	37
11. UNAKOLAKI MWA MANGO AUNUBIBWA ?	43
12. IWE NA MUTIMA AKOMIRE !	49
13. UNAYA MU KANISA ?	59

Mutsiirwa,

Mulame kwa karama ka busha ka buufulo bwa biro byoshe ko mwamebonekya mwa mango mwa meimirira Yesu Kirisitu ngakuno muufutsi na Ninakuwenyu.

Ndanixonda isimola nemwe akuli ya bwimire bwa kikirisitu, akuli yo mungahimbako kutsibu mu Yesu. Muiye abinwa bino kuche kwe baletera amunguruko wa biro byoshe.

Anibahemera Ongo abahe mutima wa buteeteanya ne baha bwenge, na mesha menyu mabohokale ne menya kwa bwimire bo mwameberengirwamo bunene nehabwa abyoshe busha mu Yesu Kirisitu. Bibe bityo (Amen).

Abinwa bino bikabaasikya mwebutwa buhya renyu mu Yesu Kirisitu.

Mwa mango auiyabyo, soma aBibuliya

byawe ne iiya wenawene aMaandiko Makomire. Anianikira kwa mwatsi walimo akabindula amiberere yenyu ne baaasikya mwa biro byobihika kwe kulikira amateeko ma kinwa kya Ongo.

Ongo abaashanire kutsibu mwe tsina ra Yesu Kirisitu. Bibe bityo.

Mulangi Chris Oyakhilome

IWE WA KULI

Ulengitse amubiri wawe yo uxungako, ulengitse amutwe wa xwikire abwenge bwawe (Bwenge bwelola, bweumpfa, bweata, bwepfa nyata, na lubeho).

Mwa kati kawe, muli kindu kibuya kyokirengitse amubiri wawe. Amutima wa mundu. IYe yewe wa kuli.

Amundu wa mwa kati kawe ya Bibuliya abiahula mwa kitabu kya 1Petero 3 :4 mbu :
«Wetuwe abukwire bwenyu butangirire mwa kati kenyu, bukwire bobutangabiha, neri

***ibola, abukwire ubo niba na Mutima Akomire
na wa bulompfu, ubo bo bukwire bobuli na
kichiro kinene mwa mbere sa Ongo »***

Mwa mango amubiri amepfa, amutima wa mundu anabaho. Ni akinali amundu yaliho lubere apfe. Ni ataheritseki, wetuwe alebaho mwa kihuo ni roremehera. Amubiri ni wamepfa, wetuwe amundu wa kuli, amundu wa mutima akinali na bwenge buwe bwabaa alinabo lubere atoke mwa mubiri.

Yesu Kirisitu nianacha muani muuma mwa kitabu kya Luka 16 wa bandu babiri bobapfaa. Muuma abaa muhemi yalukwa mbu ye Lasaro, litebula mbu abaa muhemi, wetuwe abaa muchene. Abaa ni awete mutima atunganene. Mwa mango apfaa, niahekwa mwa kipfuba kya Iburahimu. Amundu wa kabiri naye nianapfa. Amundu uyo abaa muxoki kwa kihuo, wetuwe abaa atawete miberere itunganane.

Mwa mango apfaa, niabanaya ita amubiri

uwe, wetuwe Yesu niananeena mbu, ikutsimu nianalambula amesha mewe nianaxunga Lasaro mwa kipfuba kya Iburahimu, nianamenya ku Lasaro yali aho. Ikyo akibwerekya kwabaa atsene.

Inyuma kwaho, nianabirangira ku Iburahimu ne mubwira mbu :

« Nishashire, anikuhema uniwasikye » talola kwabaa anganaxube neena. Iburahimu nianamuxubitsa, naye nianaumpfa amulenge wa Iburahimu, alibwerekya kwabaa anganaxube hulikya.

Amuxoki naye niananeena mbu apfire nyota, iteho nyota, wetuwe abaa ali kulwepfa. Aho nianaitondoola mbu: « ***Nishashire, lika Lasaro ahike ne niha itondi ra mechi, nge ra ikya abusha yo niri nayo.*** » Hali kindi kinwa hano kyokibwerekya kwabaa anganaxubepfa nyota.

Abwenge buwe boshe bwabaa bukinaho.

Mwa ntsindiro, abaa angakinaubuka bindu biumabiuma, kubwishi aneenaa mbu: **«Nishashire, lika mupfu muuma mwa bapfu aende ihubiri baala betu. »**

Abaa awete baala babo batano kwa kihuo. Nianaibukya mbu: «kudi hali hangatàka muuma mwa bapfu akeya yo bali, bangaimirirabo. » Aubukaa baala babo.

Ibyo, abibwerekya kwa mutima wa mundu aliho. Na mwa kashangi amundu amebutwa buhya, amutima uwe ni yamexube butwa!

Akitabo kya 2Bakorindo 5: 17-18 kibwire mbu

«Amundu yameba mu Yesu Kirisitu niameba kibumba kihya, bya kwa mira byametsuka, tsene abyoshe byameba bihya.» Tsene, abyoshe bya Ongo, yatuhiraa mu buuma kuuma naye

*itsukira Yesu Kirisitu naye yatuhaa
amulimo wa buuma. »*

WAHARA KIBUMBA KIHYA

Tsene wahara mu Yesu Kirisitu, nawe wamemuirira Ninakuwenyu wa wareho rawe, utakiri nga kwe wabaa lubere. Ungashusha irambuwa ngakuno ko wabaa wetuwe, mwa kati kawe ni kibumba kihya. aBibuliya bibwire mbu: « utali ngakuno kibumba kihya, » wetuwe « Kibumba kihya » undi mundu yatatangire abaho tangira mira. (2 Bakorindo 5 :17).

Utabindukire, wetuwe wameba kibumba

kihya, mundu muhya. Areba kibumba kihya, ritebula mbu amubiri wawe akabinduka. Kweuembirwe, ni kweukanaba, amulimo wawe wa noyo, akipfunga kyawe kyanekyo, na bahuwene bawe banabo. Tsene amiberere yawe yamebinduka. Wameba na miberere mihya kubwishi wahara na mundu muhya mwiwe.

USHUSHANIBWA NE ONGO

Wamebutwa buhya, Ongo amekuha amaala mareba mwana uwe (Yohana 1:12). Areshushanyibwa ne Ongo ramehirwa mwa mutima wawe. Thene wahara mundu muhya. Abuingo bwa Ongo bo Yesu ahira mu bobakamuimirira. Xumoki iyi? yowamebamo kweshushana ne Ongo. (2 Petero 1: 3-4).

Tsene Ongo yameba Tata wawe! Bateno?

Litengire mwe butwa ra kabiri, Hali muani abwire mbu: « Shemabwa anakunebuta mbwa.

»

Na kitabo kya Yohana 1:12-13 kibwire mbu: « ***Wetuwe aboshe bobamemuimirira, amehabo amaala meba bana ba Ongo, bobameimirira aretsina liwe, bobamebutwa, lite ra mubiri, lite na reshasha ra mwana wa mundu, wetuwe ishasha ra Ongo.*** »

Wahara kipfunga kiuma ne Ongo. Wahara muuma wa nyumba iwe. Batyo, wahara mundu we mumbingu harawikere.

Ongo ye mukulu wawe. muxubyo wa mihita yawe yoshe mwa buxoki buwe bobutendehwa mwa ngulu ya yesu Kirisitu. (Bafiripi 4:19).

Awete mutotendeko akwirire kubwishi bwawe, yowahabwaa itangira alwire lowabutwaamo buhya. Uli mwana mutsiirwa wa Ongo, wamebutwa mu kipfunga kya batsiirwa. Liri kuli, Akuhaa abuingo buhya ubu kwebula mbu ube muuma wa mwa bwami buwe.

ABibuliya bibwire mbu ongo abahaa abuingo bwa biro byoshe. Buingo bobuli mu Ongo, Bobumubwerekya ngakuno ye inde. Iro rebaho liwe, rorabaa ne Yesu mwe sinda, bo buingo bya repfuka, tsene, abuingo ubo buli mwimwe

«Na kano ko kaliho, Ongo atuhaa abuingo bwa biro byoshe na buingo ubu abuboneka kwetsukikira ku Muala uwe. Yali ne muali awete abuingo ubo, na yatawete ku muala wa Ongo atawete abuingo ubo. Namebaandikira abnwa ibi, mwemwameimirira mwetsina ra muala wa Ongo, mumenye ku muete abuingo bwa biro byoshe. » (IYohana 5: 11-13).

Yaliho ne Muala yawete kwa buingo ubo, kubwishi abuingo ubo buli mu Muala wa Ongo. Ukemuimirira, ni wamebonekya abuingo ubo.

Abuingo ubo abutuma uhma miereko mingi. Abukuhira iluulu. Litsibu ku Ongo kwehimwa.

Tsene uli na buingo buwe, utangahimwa kubwishi aMutima ya pfukya Yesu Kirisitu mwa bapfu ali mwiwe! (Baroma 8:11).

ULI BUTUNGANANE BWA ONGO

Akitabo kya 2 Bakorindo 5:21 kibwire mbu: « ***Kubwishi kirisitu abaa atawete ntsambi, wetuwe Ongo amuheky mutsio wa santsambi setu, kwebula mbu tube bandu batunganene mwa mbere sa Ongo.*** »

Anikira anga ko Ongo angakola yoyangalukwa mbu: « kindu kiomekirwe ». Airaa Yesu kweba ntsambi, (ni bula mbu abe mutulo kubwishi bwa ntsambi) kubwishi bwetwe, kwebula mbu tube bandu batunganene ba

Ongo mu iye.

Kyokyatumaa Yesu Kirisitu apfa nga mundu wa ntsambi mwa mwanya wawe. Tsene wahara ungahika mwa mbere sa Ongo butsira buba. (Baeburaniya 10 :19, Baroma 5: 1)

UTUNGANYANYIBWE

Aretunganyanyibwa kyo kiki ?
Aretunganyanyibwa ni bula mbu : «
utauanchirwa bubi ». Ongo atakuanchira kiro
na bubi.

Abibuliya bibwire mbu : « *Tsene ko
twameanchirwa ku tutunganene mwa mbere
sa Ongo kwetsukira abwimire, twameba
mubuholo kuuma ne Ongo kwetsukira
ku Ninakuwetu Yesu Kirisitu* » Mutakiri
muanchirwa bubi!

Yesu anubaa kubwishi bwa sa ntsami senyu kwepfa liwe kwa musalaba, nakiro mbu abaa ataanchirwaa kiro na bubli. (I Petero 2:22)

Kubwishi bwekyo, Ongo atabaanchira kiro na hake abibi byenyu. Abibuliya bibwire mbu:

«Mumenye ku Ongo abaa ali mu Yesu Kirisitu, kweronganya ahuo kuma naye yewene, butsira ianchirakyo abibi byakyo. Naye ametuha amulimo ware-ronganya abandu kuuma naye. »

WAMEKOMIBWA

Anitsa kasa ngakuno wametoera mu kiribu, wameyako mikontsi, ni hahika mundu kwekutabara, ni bula mbu: « akutosa mwa kiribu » inyuma kwaho, kyoukakola ni karaba. Aletoka mwa kiribu na rekaraba alitsimba kishangi na maala.

Akitabu kya 1Bakorindo 6:11 kibwire mbu:

“« Wetuwe bauma mwimwe babaa ngakuno abo. Wetuwe, mwameoibwa,

*mwamekomibwa ne anchirwa
abutunganane mwa mbere sa Ongo
mwe tsina ra Yesu Kirisitu na mwa
Mutima wa Ongo. »*

Arekomibwa liri ngendo ibiri: Akiibere Ongo niakutosa mwa kiribu, Aho ni bula mbu wamebutwa buhya, tsene aBibuliya ni byabula mbu mutunganene mwa mbere sa Ongo. Hanyuma, ni mwa toka kwa kiribu nexonda ihira amitima yenyu mwa nchira yarekomibwa itsukira akinwa kya Ongo. (Baroma 12: 2).

Arebinduka ra mutima wawe ritachire chuba, amutima wawe alimo mianikire miuma, lola kwa bindu bya mubiri lubere uimirire. Tsene kwebinduka ra mutima wawe alikubwerekya kwe ungaanikira nga Ongo. Na kandi auiya mwa mutima wawe kwexunga abindu nga kwe Ongo ashashire. Inyuma kwaho ni waneena binwa bya Ongo ne bonekya muxubyo kwa mundu anabonekya mu binwa bike bike.

WAMELIKULWA!

«Tusingye Ongo Tata yametuasikya kwebonekya kwa mwandu wabikiraa abandu bewe mwa bwami buwe. Mwe-shasha liwe ametuufula kwetoka mwa mutsimya ne tuingitsa mwa bwami bwa mwana uwe mutsiirwa. » (Bakolosai 1: 12-13).

Tsene, itangira alwire wahiraa arebaho rawe mu Ninakuwetu Yesu Kirisitu, wameba muuma mwa bwami bwa Ongo. Hete kiro na

kixwatsi kye kutsimu kyokingakukolera bubi. Wamelikulwa mwa bindu byoshe byowabaa uminirwe nabyo, ntsambi, makoni momabaa baimingire kwiwe, kubwisi waotwere iboholwa mwa maala ma mutsimya.

ABibuliya bibwire mbu Ongo akulikulaa kwetoka mwa mutsimya ne kutereka mwa bwami buwe. Mutakiubahaa, Ongo ye mulangi wenyu na mesha mewe mabatseneko. (Saburi 23: 1).

Abibuliya bibwire mbu: « ***Iri Muala amebaira mu luliko, ni mukaba mululiko lwa kuli*** » (Yohana 8 :36). Ongo amebalikula mwa bwami buwe. Aho homwahara muli. Aho homuwete buali. Mwamelikulwa kwetenga mwa maala ma mutsimya.

AMUTIMA WA ONGO ALI MWIWE

Kindu kindi kinene mwebutwa buhya, ni aMutama wa Ongo kwehika iikala mwimwe. Mwa mango aMutima wa Ongo aikala mwimwe, niabaha kyaka mwa kinwa kya Ongo ne babwerekya kushe abinwa biwe. Tsene mwa mango auiya aBibuliya ni waba na mutima muhya we hira akinwa ikyo mwa mikolere yawe.

Kindi kindu kya Mutima Akomire anakola, ni kuubukya akinwa kya Ongo. (Yohana 14:26).

Na kandi niakuha maala mepfula aMwatsi
Mubuya wa Yesu Kirisitu

*« Wetuwe, mukahabwa maala ma
Mutima Akomire yakendebakimira.
Kubatyo, mwendeba tuliho twani i
Yerusalemu, na mwa kyangi kyohe
kya Yuteya, ne Samariya, ihikira mwa
ntsindiro ya kihuo. » (Mikolere ya
sandumwa 1 : 8).*

KIKI KYOUNAKOLA MWA ...

*MANGO MIANIKIRE MIBI YAKUHIKIRA
MWA MUTIMA Wawe?*

Arebutwa buhya litangahangitse
kwekorana na miereko, wetuwe utauhemwa
mbu uhimwe nayo. Abibuliya bibwire mbu
mu kintsi miereko, Ongo anabohola nchira
ye hulukiramo. (1 Bakorindo 10 :13). Ku
batyo mwa mango amianikire mibi yakuhikira
auhema ni :

(1) WAUBUKA KU ULI KIBUMBA KIHYA

Amianikiro iyo aikuhikira kwe tenga irambuwa, miereko ya mulenda. Itaitenga mwa mwete wawe, kalengyo aihika kubwishi wamebutwa buhya. Abibuliya bibwire mbu bebamebutwa buhya bawete amianikire ya Kirisitu. (1 Bakorindo 2: 16).

Auhemwa ni waubuka ku wahara kibumba kihya, ne Ongo axonda tu ubuke kutuli bibumba bihya na kwatuhere buingo buhya. Abuingo buhya ubo atuhema nitwa imirirabo.

(2) Iumpfira Ongo

Iumpfira Ongo ! Amianikire mibi ikekuhikira, neiminga kutsibu kwiwe kwekola kindu kibi, nehikra mu kashangi ke kola bubi, wetuwe ukeubuka ku wahara kibumba kihya, niwaitsibuhiritsa ne hentsa amianikire mibi iyo.

lumpfira Ongo, neri arebutwa buhya litahangintse amianikire mibi kwekuhikira, wetuwe, tindaro.

Som EONE aneenire mbu : « *Mutangahangitsa asanyonyi mbu sitaulukaa hambashiro wa mutwe wawe, wetuwe ungahangitsato mbu sitahimbaa nyutu kwa mutwe wawe* » Utangahangitsa amianikire mibi ikuhikire, wetuwe ungahangitayo kweikala mwiwe.

Utahira ukesiya amianikire mibi iate buali mwa mutima wawe neri ionchire mwa mwete wawe. Ni watindayo, ne anikira mianikire ikwirire mwa mwanya yayo. (Bafilipi 4: 8) .

Ungaba ni uli mundu we kola mashata, aushata mwa mwanya wa mukatsi, naho ni uli mulume, ukaimbala kantsu na byma bya mukatsi, Ni washata ne neena ngakuno mukatsi, wetuwe mwa mango aushata utangaibiriria ku uli mulume. Kwa ntsindiro wa

mashata, ni wakima ne fuluka mwa kyumaba
kyaleimbaliramo, niwaimbala asangimba sawe
sosikwirire nefuluka iraka

Mwa mango wahika kwa mulimo lwa
mbere mwe makyerakyerera, utangaibirira ku uli
mulume. Wabaa uneena nga mukatsi neba nga
mukatsi ; Lingaitya xoni kwefuluka kwa mulimo
niauneena neitsimba ngakuono mukatsi.
Ngakuno kwe wabaa aushata mweluoloolo.

Kwelune luty, wakolaa bubi lubere ubutwe
buhya, wetuwe, tsene wahara mundu muhya.
Auhemwa amiberere yawe ni yashushana na
rebutwa buhya rawe. Washataa ngakuno
mukatsi, ni ungaibirira ni wakola ngakuno
mukatsi. Wetuwe hanyuma kwaho, niwaubuka
kuli mulume neifulukako. Mwa buteateanya
bwawe ni waibwira mbu : « Oho,

Nde mukatsi, ndali mu mashata, anihema
ni naba mwa kuli. » Batyo ko ungatinda abubi

ne neena mbu : « *Tsene namebutwa buhya, arabaho rani* » Mwa mango wameubuka, neena mbu : « *Nameotola ibutwa rakabiri, nametinda amianikire mibi iyi* »

Utaikiritsaa mbu antsambi ishibe mwiwe, Utapfaa xoni sebwira mulikyenyu mbu : « Ndangakikocha ikola ibyo kubwishi nahara kibumba kihya ». Bindula amiberere mibi kuba mihya neri mibuya.

Kola ibyo butsira buba, Menya amiberere yo mumbingu ya kinwa kya Ongo, kolabyo mwebaho rawe.

(3) KOLA NGA KWA KINWA KIBWIRE

Ongo atatuhema mbu tube baumpfiritiho ba kinwa kiweho, wetuwe tukole nga kwa kinwa kibwire mbu

« *Mutainubwaa mwenabene kwehu-*

likyaho akinwa kya Ongo, Wetuwe mukole nga kwa kinwa kibwire, kubwishi yaumpfaho akinwa naye atakola nga ko kibwire, ashushanyibwe na mundu yasindera abushu buwe mu kio » (Yakobo 1: 22-24).

Wameubuka akinwa kya Ongo ni wakola nga ko kibwire. Naho ni ukanere ubakakyo.

Ikya kiuma mu kya Mutima Akomire akola mwitwe. Yesu niananeena mbu: « *Wetuwe amuchi wa mikocho, aMutma Akomire, ye Tata endebatumira mwe tsina rani endebaiisa abyoshe ne baubukya byonababwiraa.* » (Yohana 14: 26).

Ongo usingibwe, aMutima Akomire ali kuli; atuasikya kweubuka akinwa kya Ongo. Tsene wameubuka akinwa kya Ongo, nekola nga ko kibwire.

Utairirikanaa areubuka, aMutima Akomire akakuubukya. Wetuwe amekuubukya ni

wamuumpfira.

(4) UBUKA KWA NTSAMBI ITANGAKUIKALIRAKO

Amuhema ni mwaubuka kinwa kiuma, amianikire mibi niitishibe mwa myete yenyu. « Kubwishi antsambi nitikale mwiwe... ». (Baroma 6 :14).

Antsambi ni itangakuikalireko, ni itibe halulu kwiwe, kubwishi utali hetako wa Muomba, wetuwe hetako wa muisha. Batyo kwa Bibuliya bibwire kubishi bwawe.

Ongo akuhiraa mu luliko ma maala ma ntsambi na ma mutsimya ne kutereka mwa bwami buwe.

*« Musingye Ongo Tata yabaasikyaa
kwebonekya muhango kwa mwandu
wabikiraa abandu bewe wa bwami*

*bwa kyaka. Kubwishi hiyeametwufula
kwetoka maala ma mutsimya neingira
mwa bwami bwa Mwala mutsiirwa. »*

Tsene he uli aho, wo wamebutwa ra kabiri. Kubwishi byekyo, amaala ma mutsimya matangakiba haluulu kwiwe; wetuwe iwe uli mwa bwami bwa kalamo ka Ongo. Tsene, antsambi itangakiata maala kwiwe.

Akitabo kya Bakolosai 1:14 kibwire mbu:
**« Mwiye twamebonekya abuufulo kwetsukira
ashiama iwe, na reshashirwa antsabi setu. »**

Mu Yesu Kirisitu, twamebonekya abuufulo.
Kano ko kashangi ketu kahya. (Baefeso 2: 5-6)

Tutatuiminga kwebonekabo, tsene tulinabo. Atuhemwa nitwalanga akinwa kya Ongo ne moerakyo.

.

UNAKOLAKI MWA MANGO BERA ...

*BAWE ABAEREKA IKUFULUKYA INYUMA?
(KWE KWITA MWETE)*

Tsene wamebutwa buhya, wahara mundu walundi luanda. Utakiri hofi kutsibu na luanda lwawe lubere. litebula mbu niwaisika hale na bera bawe babere. Auhemwa ni waba kyaka kubo. Ibo bakine mwa mutsimya, kubwishi batechi baimirira Yesu Kirisitu. Ni wa ubuka ku wahera kyaka kya Ongo kubo. pfulirabo amwatsi Mubuya nabo nge bakulikira Yesu.

Ungaitsimba ute mwa mango bera bawe abkufulukya inyuma?

ABibuliya bibwire mbu, mwantsindiro ya kihuo, kwendehika bandu bobashekenyula abandi ne kola bubi bungi, ne shekenyula akuli. (2Petero 3: 3-4).

Abandu bobandindinda ibo bobabaereka kwexonda ibafulukya mwebaho renyu ra kwa mira, wetuwe, nimwatinda arekulikirabo. Mutundebo kwebula mbu amiberere yabo ingatuma musiya abuuma bwenyu ne Kirisitu. Mutinde kwaba buuma naboi. Mutaikiritsaa amahano mabo. Muitsibuhiritse ku Ongo ne kulikira akinwa kiwe.

IMINWA KUUMA

Mwandangiro ya buhingwe bwa byuma, muhingi muuma abaa anamina nyamexwa ibiri ku muti muuma, (bingaba bimase bibiri, neri punda ibiri,) Asanyamexwa ito ni serehinga alexwa niasienda kuma kubwishi nisiminirwe kuuma hauma. Asanyamexwa ito sabaa sinaya

kumunda muuma kweimitsanya kwa nguma ikaenda. Amuhingi nieretwalato kwa munda washashire kubwishi nisiminirwe ku muti muuma.

Tsene, asebiri singabere punda ni babula mbu : « iminwa lishushene » he wetuwe ali anguma punda na indi kimasse, ni babula mbu : « iminwa litashushene » kubwishi bate bwoko buuma.). Tultungaminwa ku muti muuma ni bula mbu tuli bwoko buuma, Mu kirisitu na undi mukisitu abahema ni baenda kuuma. aMukirisitu na yate mukirisitu batangenda kuuma. Ne Ongo abwire mbu : « Mutaihiraa hauma na bandu bobataimirire » (2 Bakorindo 6: 14-16).

Tsene, ukeba mubuuma na mundu yataimirire, muliho, wetuwe mute luanda luuma, ikyo kitashushire ibaho. Ongo atatsiire mbu mu ikale mutyo, wetuwe muikale mu buuma kuuma neba mu luanda luuma.

Amundu ya taimirire atashudhire iba mwira wawe. Nakiro mbu ali na miberere ikwirire, ali atechi abutwa buhya atangaba mwira wawe.

Kitalingirirene mwa mesha ma Ongo, kubwiishi mute bandu ba luanda luuma. Kweuanikira ku mundu mulebe, kute ko Ongo aanikira kubwishi byaye.

Mwa mango Ongo atumaa Samueli mwa nyumaba ya Yese kwe haka mapfuta mwana muuma kweba mwami we Isiraeli, (1 Samueli 16 : 1-13). Mwa mango Samueli axungaa afula ya Yese ELIABU, Samueli niananeena mbu : « Uyu anashushire ihakwa mapfuta mwa mbere sa Ninakuwetu », kubwishi abaa mundu awete nyiki, akwirire kandi munene. Wetuwe Ongo niananeena na mutahwa Samueli mbu : « *Utamuhakaa mapfuta, kubwishi namemutinda.* » Nianamubwira kandi mbu : « Kubwishi amundu anasindera amubiri wa mundu, wetuwe Ninakuwetu anasindera amutima wa

Mundu, neri amundu wa mwakati. » Amundu anasindera kutsibu amubiri wa mundu, kwa bumbirwe, kwaende, wetuwe Ongo atsene kwa mundu wa mwakati.

Amundu yatabutire buhya atawete amutima mubuya wa Ongo. Nchira ngumaho yoinatuma uba na buuma ne Ongo ni butwa Buhya, yona nchira nguma yoinatuma amundu uyo aba mwira wawe. Atechi ahikiraho ni atechi aba mwira wawe. Tsene ko wamebutwa buhya, amianikire yawe ni ya shushana na ya Ongo, Utangakiba na micho yoikushushire. Sindera Ogo naye akakusindera.(1 Bakorindo 10:13).

UNAKOLAKI MWA ...

MANGO AUNUBIBWA ?

Mwa kitabu kya Mariko 4:1-9, Yesu nianacha muani kulwenda muhingi muuma, Mundu muuma nianaye byala mbuto siwe, siuma niasinatoera ku mabale, na sindi sitoera mu mahwa, na sindi ku butaka buinu. Kwa mukololo wa 16 ne 17 aBibuliya bibwire mbu :

« Na sambuto sosabyalwaa kwa mabale, bobanaumpfa akinwa kya Ongo, banaikiritsakyo chuba mu lumoo; wetuwe, kubwishi bashushanibwe na

*mbuto yoitawete mirya, akinwa kikitibe
na kashangi kale, aminubo na bihendo
byahika, nibasiya abwimire chuba »*

Aneena kwa bandu bobatawete ku mirya. Batangalindira mwa kashangi ka minubo na bihendo. Banaimirira mu kashangi kake. Aneena ku bandu bali ngabo banaikiritsa akinwa kya Ongo chuba, wetuwe mwa mango abihendo na minubo byamuhikira niahimwa chuba. Nebyo binahikira bandu bangi.

Kye Yesu aneena hano, ku hali bandu bangi batawete ntsii yoyiwete mirya kwiye. Mwa mango aminubo na bihendo byahika nibamusiya chuba. Mwa kashangi ka minubo na bihendo auhùwa ni wa kulikira abinwa bya Ongo :

(1) NI WABA NA NTSII YOIWETE MIRYA KU ONGO

Ongo axonda ni mwaba na ntsii ihete mirya na maala kwiye. Antsii ingaiongerera neri ikima. Muanikire, umpfa akinwa kiwe, ne simola kuuma naye mwa mahemo. Kubwishi antsii aiongerera mwe mumenya.

Kwe umenya Ongo, noko kweumutsiira. Kweumpfa akinwa kiwe, noko ko umumenya ne mutsiira, Nabatyo kweukahanwa naye.

Mwa mango autsiira Ongo, akinwa kiwe akiata mrya mwa mutima wawe. Na mwa mango wakorana na kinwa kitsito, ni wamenya kye Ongo angakola kwa kinwa ikyo, nekolakyo.

Abibuliya bibwire mbu alebaho na lepfa biri mwa maala ma muneenere (Miani 18 : 20-21), na bunu abuneena byobiuchwire mwa mutima (Matayo 12 : 34-35, 37).

Mwa mango akinwa kya Ongo kiuchwire mwa mwete wawe, kintsi kinwa kyoukarona

nakyo ungahimakyo, ne lola ku kintsi linwa ngakuno kwe Ongo antsene kukyo. Ne neena nga kuo iye. Nebyo byehika.

(2) NI UTILIKE

Ni utilike mwa mango aminibo yakuhikira ; Arebutwa buhya litangatuma aminubo itabaho neri amiereko. Ibyo abibwerekya kwa abinwa ibyo bikekuhikira Ongo ye mulangi wawe. Nga kwa kitabo kya Saburi kibwire mwa kiche kya 23 : 5 mbu : « **Wameniteekera mesa mwa mbere sa balenda bani.** » Kiri kulu kwe neena mbu mwa mbere sa balenda bani, kubwishi batanga kubihya, Abulenda butangabihya abuingo bwawe !

Ongo atangakusiya, Mu kintsi kinwa nakiro mbu kitsito bate ni waitsibuhiritsa. Ni utilike, Ongo! Ni wasimika kuye naye atangakusianira, ukahima mwa minubo yoshe yo ungakorana

nabyo bwebaho rawe, naye akaba kuuma nawe. Akitabo kya Isaya 43: 2 kibwire mbu : « ***Mwa mango mwendeshabuka amechi, matende bashendya, na mwa mango mwende tsuka mwa muchana atende baokya.*** » Mwa mango aukilikra Yesu Kiristu, mukolere mwa mwete wawe woshe, mukulikire butsira buba.

« Wetuwe musingye Ongo yatuhimanira mwetsina ra Ninakuwetu Yesu Kirisitu. Kubwishi byekyo, mwe banyakyetu batsiirwa, muitsibuhiritse butsira tamo. Muitsibuhiritse kwe kolera Ninakuwetu abiro byoshe, ni mwamenya kwa minubo yomutsukamo kwekolera Ninakuwetu yendetsuka.

« Kubwishi yamebutwa ne Ongo ni amehima akihuo, twamehima akihuo mweimirira retu.» (1 Jean 5: 4).

Tsene Ongo ametuhimira itsukira Ninakuwetu Yesu Kirisitu. Ku batyo, tutaheritse kindu kyoshekyoshe. Sindera kushe akitabo kya 1 Jean 5: 4; Akiahula arehima akihuo ni abwimire bwetu. Wamehima kubwishi wamebutwa ne Ongo, uli luanda luuma ne Ongo. Wamebutwa na Mutima Akomire.

IWE NA MUTIMA AKOMIRE

Arebutwa buhya, ni butwa na Mutima Akomire. (1 Bakorindo 12 :13, Yohana 3:5-8). Mwa mango wamebutwa buhya, aMutima Akomire ni ameba kitambo kiuma mwebaho rawe. Ni wamenya kushe kwaliho, ne menya amulimo uwe mwiwe.

Auhema ni wamenya kyahikire kola, nge wabonekya kwa buingo bungi bobuli mu Kirisitu ne angirira akarama. (1 Bakorindo 12: 8-10) na maala (Luka 24:49, Mikolere ya

sandumwa 1: 4-8) mehwire

AMUTIMA AKOMIRE YENDE ?

Mwa bitabo biuma bya Bibuliya, abiahula
aMtuma Akomire mbu :

- Mwa Ndaane ya kwa mira axungwa ni
aherwe amaala ma rekola bishishatsa.
(Bachi ba mancha 14: 6, 19).
- Mwa Ndaane Nyihya axungwa mwa maala
ma rebutwa, mwa mulimo na mwebaho ra
Yesu Kirisitu. (Luka 4:18).
- AMutima Akomire axungwa kandi mwa
kitabu kya mikolere ya sandumwa 2 : 1-4
ni akola mwa ndumwa sa Yesu.
- Iye Ongo. Mundu wa mwa mbingu, mundu
wa kashatu mwa bashatu mu mbingu.
(Yohana 14 :16-17, Yohan 15:26).
- Abaaho lubere lwa kashangi (Ndangiro 1:
2).
- Iye me maala ma Ongo, (Ndangiro 1).
- Iye ye Mutima wa ntsii, wa maala na

wakomire. (2Timoteo 1: 7).

- Mutima wa luliko (2 Bakorindo 3:17).

KYOKITE AMUTIMA AKOMIRE

Kyokihemwa tumenye kwa Mutima Akomire mate Maala, ate muyaa, ate mapfuta, neri ikuku, nakiro mbu Abibuliya abimushushanya na bindu ibyo. Ate « minenere » nakiro mbu ahana kinwa kye neena, ate « maala » Wetuwe atuletera amaala ma Ongo.

Ate Mutima wakuleta mwa bupfuku bwa buba (Baroma 8:15), wetuwe mwa luliko. (2 Bakorindo 3 :17)

KUBWISHI BWAKI TULAIRE KWA MUTIMA AKOMIRE?

- Amutima Akomire atuha amaala me mu mbingu (Mikolere ya sandumwa 1: 8). Akinwa iki « maala » kitengire mwa Kikiriki «

Dunamis » Kibwire mbu « maala mebindula
» Mwa mango aMutima aKomire ahika
iwikala mwa mwete wa mundu, ali na
maala mebindula amiberere ya mundu na
bandi bandu.

- Ahana maala mepfula akinwa kya Ongo
butsira buba (Matayo 28: 18-20, Mariko
16: 15-18)
- Atuendya (Yuhana 16 :13, Baroma 8 :14).
- Wetuchira mikocho (Yohana 14 :18,
Mikolere ya sandumwa 9 :31).
- Atuiisa (Yohana 14 :26, 1 Bakorindo 2 :
11-12).
- Ali kuuma netwe ne enda kuuma netwe
kintsi lwire (Yohana 14:16).
- Atubwerekya ku tuli bana ba Ongo,
nabonekya kwa buxoki bobuli mu Yesu
Kirisitu (Baroma 8:16; Baefeso 3: 6).
- Atuha aluliko lwehika hofi ne Ongo wa ntsii
(Baroma 8:15, 2 Bakorindo 3:17; 2Tmoteo
1: 7).

UNGABA NA BUUMA NA MUTIMA AKOMIRE

Mwa kitabu kya Yohana 14:17, Yesu aneenire mbu:

« iye ye Mutima wa kuli. Akihuo kitangakocha imukokera, kubwishi kityamutseneko neri kitamwichi. Wetuwe imwe mu mwichi, kubwishi alikuuma nemwe naye ali mwimwe »

Areba mu buuma na Mutima Akomire, ni menya arebaho liwe, ne menya amulimo uwe mwebaho letu. Auhema ni waba na kishangi kire kuuma naye, iba na buuma naye ne iya imumenya nga mwira wawe. Ungaba na buuma ubo kwetsukira amahemo, kweiya akinwa kya Ongo, ne ikiritsa amateeko ma Mutima Akomire.

Mwa mango wamebutwa buhya, uli na

xumo yeba na Mutima Akomire wa Ongo. Arerubikwa, itsikibwa mu kindu. Ngakuno ko ungatsimba kindu kishushene na Kabumbu ka kahuchu, niwaumako mwa mechi ihikira akashangi akabumbu ako kauchula mechi. Batyo kwa mundu yamebutwa buhya ni ametsikibwa nga kindu ikyo mwa Mutima Akomire.

Wetuwe mwichi, ikikyo kindu, kyokikauchutsibwa mwa mechi. Kwe bula mbu akabumbu ako kauchule, ahahemwa ni haba nchira ya mechi mangatsukiramo. Neri akindu ikyo ni kihete nchira ya mechi mangashairamo. Kwe lunali lutyo, amundu yamebutwa buhya, amuhemwa ni mwabwa na Mutima akomire mwimwe ne buuchutsa.

Na kandi, areuchutsibwa na Mutima Akomire lite ra kashangi kake, wetuwe mulimo wa biro byoshe (Baefeso 5:18). Ikyo akiibwerekya mwiwe kwemenya alebaho

liwe na amulimo uwe mwebaho rawe. Auhemwa ni wauchutsibwa na Mutima Akomire neuxuka mu buuma kuuma naye, kwe musingya, mwa mahemo, mweiya akinwa kya Ongo neimitsanya na miomba iwe. Batyo, ni mukaendibwa na Mutima wa Ongo.

INEENA MU INDI MINEENERE

Ngakuno kwenamekinda neena lubere, Amutima Akomire aha abana ba Ongo binwa bye neena mu indi mineenere. Kaliho kauma ko Ninakuwetu angakulikiramo bobamuimire ni aleneena mu indi mineenere (Mariko 16 :17).

Maala ma Mutima momatoka iluulu momatuma yaimirire asimola ne Ongo kwetsukira aMutima uwe naye amehanao ngakuno karama ka Mutima Akomire.

Areneena mwa indi mineenere, aliahulwa kandi « Ihema mwa Mutima ». Mwa mango

atuneena mu sindi ndimi, Ni atuneena ne Ongo. (1 Bakorindo 14 : 4) na mwete wetu ni amoa (Yuta 1:20). Na mwete yetu nayo ni yamoa. (Isaya 40:31).

Mwa mango wameba na Mutima Akomire, unganeena mu indi mineenere mu kintsi kashangi. Ataneena mwiwe, wetuwe akuha amaala ma reneena. Ku batyo, unganeena ne Ninakuwetu mu indi minenere mu kintsi kashangi ko ulaireko.

Mwa mango autangira ineena mu indi mineenere, ni waupfibwa kushe mwa kashangi auhirabyo mwa mikolere yawe.

Lishushanyibwe na mwana mulere yatangira ineena. Kwa iminga kwe neena, akituma aneena kushe. Kwe lunelutyo na reneena mwa indi mineenere. Muneenere muhya, nakiro mbu utalair kweiyao, unganeena kushe kwe iminga kuo.

Kweuneena mu kintsi kashangi mwa

muneere muhya, ikyo akikuaskya kweba na maendeleo ma Mutima ne sisimula hindi hirama mwiwe ma Mutima wa Ongo.

UNAYA MU KANISA ?

Mwa kitabo kya Matayo 16 :18, Yesu aneena kubwishi bwa Kanisa kewe, ye mubiri uwe kwa kihuo, niananeena mbu akahimbako na sa nyukyo sekutsimu sitangashambulako.

« Ku batyo, Kirisitu ashushanibwe na mubiri yawete bitambo bingi. Nakiro mbu abitambo bya mubiri bingi, wetuwe mubiri muumaho. Batyo tweboshe, Bayuta na bandu ba sindi nganda, bapfubulwa na bobali mwa luliko, twa-

merubikwa mu Mutima muuma kwebula mbu tube mubiri muuma, na tweboshe twamehabwa Mutima muuma. Amubiri atabumbirwe na kitambo kiuma, wetuwe na mitambo bingi » (1 Bakorindo 12 : 12-14).

Tuli mubiri ne Kirisitu yo mutwe. Abakirisitu boshe, (bobamebutwa buhya,) bitambo bya mubiri uwe (1 Bakorindo 12 :27) Nakiro mbu abyoshe bitashushene, bitangakocha ikola kawekawe. Neri kitambo kiuma kitangakola kyonakyene. Kubwishi bwekyo, Ongo ahere kintsi mundu karama kewe ne mubirangira mu nchira iwe mwa kanisa kweasikya akanisa koshe. (1 Bakorondo 12 : 18-24 ; Baefeso 4: 11-12).

Akanisa kaliho kwe umpfa areshasha ra Ongo ne tuashanira neha kintsi mundu yo lumoo kwetsukira ahirama hya Ongo. – Bishishatsa, ilamibwa, butahwa, na bindi.... Muwete maala meupfa kushe akinwa kya

Ongo kyokiisibwa, kwehulikya byobitsuka, nemwe ni mwaba tuliho twa bishishatsa.

Muheme ne imanikira Ongo kuuma. « Muhakwe mapfuta kuuma » ma Mutima Akomire ikolera kintsi muuma nga kwa imirire. (Beburaniya 10 :25 ; Mikolere ya sandumwa 1:14; Saburi 133: 1-2).

Areba mundu yewene na uli utauingira mu kanisa kokalimo Mutima Akomire litsibu kweba mwa kinwa kya Ongo. Arewingira kintsi kashangi mu kanisa kalingako alikuasikya kwemenya akanisa na bobalimo. Uli na maala me asikya amwete wawe (Amundu wa mwakati) ihikira areuxuka rawe. Ikyo akikuasikya mwebaho rawe ne uxuka mwa kinwa kya Ongo.

Wameba mukirisitu auhema ni wamenyibwa mu mubuanano muuma, neri Kanisa ko uluka mbu nyumba yawe, ne kola kwa mirimo yoshe yoikolwamo. Luli lute lutyo, ukahetsa miisha mingi ya Ongo neba hale na

kinwa kya Ongo.

Tsene wamebutwa buhya, imitsanya na mutima wo wameba nao utabaa nesianira arebuanana hauma na bandi bemitsa. (Baeburaniya 10 :25) Ya mwa Kanisa !

IUXUKA

Abibuliya abitubwerekya mbu : « ***Uitsibuhiritse nge wamenyibwa mwa mbere sa Ongo, ngakuno mundu ya mutsiiritse, ube ngakuno mukotsi yatapfirire xoni amulimo uwe, wetuwe yapfula amwatsi uwe mwa kuli ya Ongo*** » (2 Timoteo :15).

Na baha abitabo bwetu kwe baasikya mwa luendo lwa mutima Akomire. Muli meiso na xwikulo nyingi, bikolirwe kwekubwerekya ngakuno bate ko ungabonekya munguruko mwa bindu byoshe kwebaho rawe ne kwe simika mwa bwimire bwawe.

Ube nabyo, uiyebyo, Kola abinwa bya Ongo ngako bibwire, naho ukabinduka mwa miberere yawe na rebaho rawe.

Kwemenya bindi binwa bingi bya mumlimo na bitabo bya Mulangi Chris Oyakhilome, xunga heungamubonekya

To contact the author write:
Pastor Chris Oyakhilome:

United Kingdom:

Unit C2, Thamesview Business Centre
Barlow Way, Rainham, RM13 8BT
Tel.: +44 (0)1708 556 604

South Africa:

303 Pretoria Avenue
Cnr. Harley and Bram Fischer,
Randburg, Gauteng, South Africa.
Tel: +27-11-326 0971,
+27-11-326 0972

Nigeria:

Christ Embassy
Plot 97, Durumi District,
Abuja, Nigeria.

Nigeria:

Plot 22/23 Billings Way, Oregun,
Ikeja, Lagos.
Tel: +234-808 586 5700,
+234-817 198 7339
+234-802 478 9892-3

Please include your testimony or help received
from this book when you write. Your prayer
requests are also welcome.

OTHER BOOKS BY PASTOR CHRIS OYAKHILOME

- q **PROPHECY: UNDERSTANDING THE POWER THAT
CONTROLS YOUR FUTURE**
- q **HOW TO MAKE YOUR FAITH WORK**
- q **PRAYING THE RIGHT WAY**
- q **THE POWER OF TONGUES**
- q **THE GATES OF ZION**
- q **JOIN THIS CHARIOT**
- q **DON'T STOP HERE!**
- q **7 THINGS THE HOLY SPIRIT WILL DO IN YOU**
- q **7 THINGS THE HOLY SPIRIT WILL DO FOR YOU**
- q **WHEN GOD VISITS YOU**
- q **HOW TO RECEIVE A MIRACLE AND RETAIN IT**
- q **NOW THAT YOU ARE BORN AGAIN**
- q **THE HOLY SPIRIT AND YOU**
- q **NONE OF THESE DISEASES**
- q **THE OIL AND THE MANTLE**
- q **YOUR RIGHTS IN CHRIST**
- q **KEEPING YOUR HEALING**
- q **THE PROMISED LAND**
- q **RECREATING YOUR WORLD**
- q **RHAPSODY OF REALITIES DAILY DEVOTIONAL**
- q **RHAPSODY OF REALITIES TOPICAL COMPENDIUM
(VOL 1, 2, 3, 4 & 5)**
- q **HEALING FROM HEAVEN (VOL 1, 2 & 3)**
- q **HOW TO PRAY EFFECTIVELY (VOL 1)**
- q **THE POWER OF YOUR MIND**

